



Tajland Bangkok i Koh Phangan iz Sarajeva

5. septembar 2024. - 17. septembar 2024.
13 dana - 10 noći

“ Vrijeme je za putovanje na Tajland! Bangkok u kombinaciji sa najopuštenijim ostrvom kao što je Koh Phangan je idealan način za doživjeti jednu od najpopularnijih destinacija na svijetu. Ovo putovanje na [Tajland](#), osmislili smo za sve one avanturiste željne istraživanja, one koji vole jogu i meditaciju, vole upoznavanje kulture i prirode uz odmor na nekomercijalnom ostrvu na malim plažama i uvalama. Provod je neizostavan na čuvenim žurkama punog mjeseca (Full moon party) po čemu je ovo ostrvo i poznato.

Isražimo njegovo veličanstvo, Bangkok (ili kako ga još zovu "grad anđela") koji je kombinacija New Yorka upakovanog u istočnjačku filozofiju, paprene mirise i drugačiju atmosferu. Šta god poželite, ovo mjesto će vam to pružiti, najbolju uličnu hranu, opuštajuće masaže, ali i najljepše drevne hramove koje ćete ikad vidjeti. Ono što mnoge oduševi je posjeta plutajućoj pijaci, koje pruža nezaboravno iskustvo kupovine lokalnih namirnica dok se vozite u njihovim simboličnim čamcima.

Nakon uzbudljivih dana u Bangoku, doživite oazu mira zvanu Koh Phangan, poznat po svojim bijelim pješčanim plažama, kristalno čistom moru i opuštenoj atmosferi koja je idealna za odmor i uživanje. Ostrvo koje tokom dana nudi oazu mira, dok se noću pretvara u epicentar zabave. Za mirnije tipove ovo je savršeno mjesto za obilazak neistraženih plaža, šetanje po fenomenalnoj obali i još mnogo laganijih aktivnosti. A sa druge strane ako ste aktivnije nastrojeni postoje razne avanture poput raznih vodenih sportova, ronjenja, istraživanje podvodnog svijeta, ali i kupanje pod vodopadima. Ono što je sigurno nikad vam neće biti dosadno!

Putovanje s nama donosi vam jedinstvenu ponudu koja uključuje sve što vam je potrebno za savršen

odmor i avanturu. Vaš savršeni odmor na Tajlandu čeka na vas!

Obilasci uključeni u cijenu: 1. Nacionalni park Than Sadet, 2. Najviše drvo na ostrvu, 3. Food market Thong Sale, 4. Amsterdam bar, 5. Zen beach





Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Plan i program

Dan 1: Sastanak grupe na aerodromu i polazak

Sastanak putnika na međunarodnom aerodromu u Sarajevu dva sata prije leta. Let za Dohu u 12:35h. Dolazak u Dohu u 18:40h po lokalnom vremenu. Konekcija na let za Bangkok. Let za Bangkok u 20:10h.

Prevoz

Avionska karta sa svim taksama na relaciji Sarajevo – Doha - Bangkok, u ekonomskoj klasi sa presjedanjem

Mesto

Sarajevo, Doha

Dan 2: Dolazak u Bangkok i slobodno vrijeme

Dolazak u Bangkok u 07:05h po lokalnom vremenu i transfer do smještaja. Slobodno vrijeme. **Noćenje.**

Prevoz

Transfer od aerodroma do smještaja

Smeštaj

W22 Hotel by Burasari (1 noć)

Mesto

Doha, Bangkok

3. dan: Fakultativni izlet - Bangkok City tour

Doručak. Na ovom izletu imamo priliku da obiđemo Kraljevsku Palatu, čija je izgradnja započeta 1782. godine, tokom vladavine kralja Rame I, osnivača Čakri dinastije i koja kasnije postaje kraljevska rezidencija. U okviru Palate smješten je i *Hram Smaragdnog Bude*, najveća tajlandska svetinja. Figura Bude isklesana je od zelenog žada. Potom posjećujemo *Hram Zore (Wat Arun)*, *Hram Ležećeg Bude (Wat Pho)* sa ogromnom statuom dužine 46 m i visine 15 m, koja predstavlja prelazak Bude u nirvanu. Slobodno popodne i mogućnost odlaska u neki od najpoznatijih nebodera sa pogledom na nepregledna svjetla Bangkoka. **Noćenje.**

Smeštaj

W22 Hotel by Burasari (1 noć)

Mesto

Bangkok

Hrana

Doručak × 1

Fakultativni izleti

Obilazak Bangkoka (Bangkok City tour)

Dan 4: Fakultativni izlet - MaeKlong Train Market i plutajuća pijaca

Doručak. Obilazimo pijacu na pruzi, taman na vrijeme da vidimo kako voz kreće iz stanice i prolazi tačno kroz sredinu pijace. Prodavci ubrzano podižu tende i sklanjaju sve što smeta vozu da prođe. Voz odlazi, a mi razgledamo i kupujemo raznovrsno voće, povrće, cvjeće, suvenire... Iza ne tako poznatog naziva Damnoen Saduak stoji jedna od najpoznatijih atrakcija Tajlanda – plutajuća pijaca. Na oko 100 km jugoistočno od Bangkoka nalazi se malo trgovačko mjesto ispresijecano kanalima izgrađenih još u XVIII vijeku. U duhu starih tajlandskih zemljoradnika, krećući se čamcem kroz zelenkastu vodu, polako se približavaju trgovci sa raznolikim ponudama. Starice sa slanim šeširima uz osmijeh nude najrazličitija jela, poslastice i sokove od egzotičnog voća, na isti način kao i stotinama godina unazad. Povratka u smještaj. **Noćenje.**

Smeštaj

W22 Hotel by Burasari (1 noć)

Mesto

Bangkok

Hrana

Doručak × 1

Fakultativni izleti

Plutajuća pijaca i MaeKlong Train Market

Dan 5: Dolazak na Koh Phangan

Doručak. Odjava iz hotela i ranjutarnji transfer na aerodrom jer danas odlazimo do ostrva Koh Phangan. Nakon što sletimo na aerodrom u Surat Thaniju očekuje nas odlazak do luke Donsak odakle hvatamo trajekt za Koh Phangan. Transfer do smještaja. Kupanje, masaže, prelijepe plaže, bijeli pijesak, tirkizno, toplo more, fenomenalni zalasci sunca i izleti do obližnjih ostrva učinit će da se osjećamo kao u raj. **Noćenje.**

Prevoz

Lokalni let Bangkok - Sura Thani
Transfer brodom do ostrva Koh Phangan

Smeštaj

Maehaad Bay Resort 4* (1 noć)

Mesto

Ostrvo Phangan (Koh Phangan)

Hrana

Doručak × 1

Dan 6: Slobodan dan

Doručak. Slobodno vrijeme za uživanje na plaži uz ispijanje koktela i kupanju u tirkiznom moru. **Noćenje.**

Smeštaj

Maehaad Bay Resort 4* (1 noć)

Mesto

Ostrvo Phangan (Koh Phangan)

Hrana

Doručak × 1

Dan 7: Fakultativni izlet - Angthong Nacionalni park

Doručak. Ovaj arhipelag od 42 ostrva, poznat je po svojoj nestvarnoj prirodnoj ljepoti, krije mnoštvo bijelih pješčanih plaža, skrivenih pećina i koralnih sprudova, savršeno ušuškanih u mozaiku ostrva. Provodimo dan uz snorkeling, tražimo rijetke vrste ribica, penjemo se na vidikovce, šetamo i uživamo na najljepšim plažama ovog parka. Povratak na Koh Phangan u popodnevni satima. **Noćenje.**

Smeštaj

Maehaad Bay Resort 4* (1 noć)

Mesto

Ostrvo Phangan (Koh Phangan)

Hrana

Doručak × 1

Fakultativni izleti

Angthong National Marine Park

Dan 8: Slobodan dan

Doručak. Slobodno vrijeme za uživanje na plaži uz ispijanje koktela i kupanju u tirkiznom moru. **Noćenje.**

Smeštaj

Maehaad Bay Resort 4* (1 noć)

Mesto

Ostrvo Phangan (Koh Phangan)

Hrana

Doručak × 1



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Dan 9: Fakultativni izlet - ostrvo Koh Tao

Doručak. Koh Tao je rajsko ostrvo za ronioce smješten je 40-ak km sjeverozapadno od Koh Phangana i 70-ak km jugoistočno od grada Chumphona. Radi se o malom ostrvu s površinom od tek 20 km² i 1300 stalnih stanovnika. Danas je to odredište ponajviše zaljubljenika u scuba diving kao i onih koji su početnici u tome i tek žele dobiti dozvolu za ronjenje. Mnoštvo lokacija za ronjenje u kombinaciji s jeftinim školama ronjenja čini Koh Tao najpopularnijom tajlandskom destinacijom za učenje ronjenja. Koh Tao kroz godinu ima dva udarna perioda s lijepim vremenom kada dolazi najviše turista, a to su ljetni od maja do sredine septembra te od decembra do kraja marta. Povratak u smještaj. **Noćenje.**

Smeštaj

Maehaad Bay Resort 4* (1 noć)

Mesto

Ostrvo Phangan (Koh Phangan)

Hrana

Doručak × 1

Fakultativni izleti

Ostravo Koh Tao

Dan 10: Slobodan dan

Doručak. Slobodno vrijeme za uživanje na plaži uz ispijanje koktela i kupanju u tirkiznom moru. **Noćenje.**

Smeštaj

Maehaad Bay Resort 4* (1 noć)

Mesto

Ostrvo Phangan (Koh Phangan)

Hrana

Doručak × 1

Dan 11: Povratak u Bangkok i slobodno vrijeme

Doručak. Odjava iz hotela i transfer do luke, a potom i transfer na aerodrom u Sura Thaniju i let za Bangkok u popodnevним satima. Dolazak u hotel. Slobodno vrijeme **Noćenje.**

Prevoz

Transfer brodom do luke

Lokalni let Sura Thani - Bangkok

Smeštaj

W22 Hotel by Burasari (1 noć)

Mesto

Ostrvo Phangan (Koh Phangan), Bangkok

Hrana

Doručak × 1

Dan 12: Napuštanje smještaja i transfer do aerodroma

Doručak. Odjava iz hotela. Slobodno vrijeme za dodatnim obilaskom fenomenalnog Bangkoka. Posljednje pripreme za povratak. Kupovina suvenira za uspomenu koja će ostati do kraja života. Sastanak grupe u dogovoreno vrijeme u hotelu i popodnevni transfer do aerodroma. Prijava na let za Dohu koji je u 20:00h. Dolazak u Dohu u 23:00h po lokalnom vremenu.

Prevoz

Transfer od smještaja do aerodroma

Avionska karta sa svim taksama na relaciji Bangkok - Doha - Sarajevo, u ekonomskoj klasi sa presjedanjem

Mesto

Bangkok, Doha

Hrana

Doručak × 1

Dan 13: Povratak u Sarajevo i kraj putovanja

Konekcija na let za Sarajevo i polazak u 07:15h. Dolazak u Sarajevo u 11:35h. **Kraj putovanja.**

Mesto

Doha, Sarajevo

Cene i uslovi



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007

MB:

Broj licence:

Tekući račun:

Telefon: 033 552-552

E-mail: kontakt@jungletribe.ba

Sajt: www.jungletribe.ba

Šta je uključeno

Regularna cena
3.080,00 BAM

Egzotično ljeto

Vrijedi za prijave do 31.07.2024. ili do popunjavanja mjesta.

2.580,00 BAM

Nije uključeno

- Međunarodno zdravstveno osiguranje (može se uzeti u agenciji)
- Individualne troškove nastale za vrijeme trajanja aranžmana
- Fakultativne izlete i ulaznice za kulturno historijske spomenike
- Doplata za jednokrevetnu sobu (na upit)
- Vizu za Tajland sa jednim ulaskom (agencija može posredovati pri apliciranju)
- Turistička (boravišna) taksa

Uslovi plaćanja: Cijene aranžmana objavljene na web stranici izražene su sa uračunatim popustom i vrijede za plaćanje gotovinom u poslovnicu ili uplatu na transakcijski račun agencije.

Prilikom prijavljivanja plaća se avans u iznosu od 400 KM, a ostatak sume plaća se u agenciji ili putem banke najkasnije 30 dana pred put.

Nudimo vam mogućnost plaćanja **NA RATE karticama UniCredit banke**. Mogućnost odabira plaćanja od 2 do 24 rate.

Za kartično plaćanje primjenjuju se regularne cijene aranžmana, bez mogućnosti ostvarivanja popusta za gotovinsko plaćanje i vrijedi za sva putovanja ukoliko putnik aranžman plaća u poslovnicu karticom - jednokratno ili shopping karticom na rate.

Prijavlivanje: Preporučujemo ranije prijave jer je broj mesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mesec dana pred put. Ukoliko putnici ne dostave dokumenta za vize u navedenom roku, dužni su da sami obezbede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

Fakultativni izleti

Obilazak Bangkoka (Bangkok City tour)

Cijena: **65,00** EUR

Na ovom izletu ćete imati priliku da vidite sve najbitnije i najljepše znamenitosti grada Bangkoka, a ovo je planirani itinerer: Polazak iz hotela u jutarnjim satima i transfer do Kraljevske palate (Grand Palace) i Hrama Smaragdnog Bude (Wat Phra Kaew). Kraljevska palata predstavlja najveću turističku atrakciju u Bangkoku. Kratka šetnja do sljedećeg lokaliteta - Hrama Ležećeg Bude (Wat Pho). Ovaj hram se nalazi odmah pored Kraljevske palate i jedan je od najstarijih i najvećih hramova u Bangkoku sa površinom od 8 hektara. Ovdje možete vidjeti preko 1000 prikaza Bude! Ipak, najveća atrakcija je statua „Ležećeg Bude“, po kojoj čitav kompleks i nosi naziv. Statua je duga 46 m, visoka 15 m i predstavlja Budu u stanju nirvane, na kraju svojih reinkarnacija. Wat Pho je također poznat po tradicionalnoj školi tajlandske masaže. Kratka šetnja do rijeke i prelazak brodićem na drugu stranu do Hrama Zore (Wat Arun). Ovaj hram je jedan od najpoznatijih simbola cijelog Tajlanda i često prati svako njegovo predstavljanje. Transfer do kuće Džim Tompsona. Ovaj muzejski kompleks se sastoji od 6 tradicionalnih kuća od tikovog drveta, čiji su dijelovi dovoženi iz različitih dijelova Tajlanda. Sve u ovom kompleksu je autentično i odiše duhom i tradicijom Tajlanda. Kućice su okružene baštom i bujnim neobičnim rastinjem, pa predstavljaju pravu oazu u centru Bangkoka. Povratak u hotel u popodnevnom satima.

Cijena izleta obuhvata:

- ulaznicu za Grand Palace i Wat Phra Kaew
- ulaznicu za Wat Pho
- ulaznicu za Wat Arun
- ulaznicu za Jim Tompson's house
- stručnog licenciranog vodiča na engleskom jeziku tokom cijelog izleta
- organizovan prevoz po predviđenom itinereru

*Za ovaj izlet je potrebno ponijeti garderobu prikladnu za ulazak i obilazak budističkog hrama.

Plutajuća pijaca i Maeklong Train Market

Cijena: **45,00** EUR

Polazak iz hotela u ranim jutarnjim satima. Stižemo na pijacu na pruzi taman na vrijeme da vidimo kako voz kreće iz stanice i prolazi tačno kroz sredinu pijace. Prodavači užurbano podižu tende i sklanjaju sve što smeta vozu da prođe. Turisti i kupci se trčećim korakom pomjeraju kako bi šine ostale oslobođene za nesmetan prolazak voza. Čuje se glasna sirena kao signal i svi uzbuđeno stojimo i čekamo. Voz nailazi, mašemo putnicima iz voza, kao i oni nama. Čim ode voz, vraćamo se detaljnom razgledanju pijace i kupovini raznovrsnog voća, povrća, cvijeća, mesa i ribe. Ova linija saobraća svakodnevno po nekoliko puta na relaciji Maeklong – Banlaem, a sama vožnja traje oko 90 minuta. Polazak na plutajuću pijacu „Damnoen Saduak“. Iza ne tako poznatog naziva „Damnoen Saduak“ stoji jedna od najpoznatijih atrakcija Tajlanda – plutajuća pijaca. Na oko 100 km jugoistočno od Bangkoka nalazi se malo trgovačko mjesto ispresjecano kanalima izgrađenih još u XVIII vijeku. U duhu starih tajlandskih zemljoradnika, krećući se čamcem kroz zelenkastu vodu, polako se približavaju trgovci sa raznolikim ponudama. Starice sa slamatim šeširima uz osijmech nude najrazličitija jela, poslastice i sokove od egzotičnog voća, na isti način kao i stotinama godina unazad. Nakon vožnje čamcem imaćemo malo slobodnog vremena da prošetamo i kopnenim dijelom pijace. Povratak u hotel u kasnim popodnevnom satima.



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007

MB:

Broj licence:

Tekući račun:

Telefon: 033 552-552

E-mail: kontakt@jungletribe.ba

Sajt: www.jungletribe.ba

Cijena izleta obuhvata:

- stručnog licenciranog vodiča na engleskom jeziku
- organizovan prevoz po predviđenom itinereru
- vožnju čamcem
- ulaznice za sve lokalitete navedene u programu

Anghong National Marine Park

Cijena: **75,00** EUR

Anghong Marine je nacionalni park, arhipelag od 42 ostrva, poznat po svojoj nestvarnoj prirodnoj ljepoti. Nalazi se u Tajlandskom zalivu, nedaleko od Koh Phangana. „Zlatna činja” ili „Anghong” krije mnoštvo bijelih pješčanih plaža, skrivenih pećina i koralnih sprudova, savršeno ušuškanih u mozaiku krečnjačkih ostrva. Provest ćemo dan snorklajući u potrazi za rijetkim vrstama ribica, penjat ćemo se na vidikovce, šetat ćemo i uživati na najljepšim plažama ovog parka. Polazak iz smeštaja u jutarnjim časovima i transfer do luke. Mala pauza za užinu, voće, sokove i kafu dobrodošlice. Ukcavanje na brod. Kupanje ili snorkling na Koh Wao ili na Koh Tay Plow. Idemo u potragu za šarenim tropskim ribicama. Pauza za ručak. Opciona vožnja kajakom na Ao Ka Beach, prolazak pored smaragdno jezera Talay Nai. Kajakom se vozimo sve do Koh Mae Koh. Umjesto vožnje kajakom može se ostati na brodu: posjeta Mae Koh i pogled na Talay Nai. Uživamo pogledu na jezero okruženo visokim krečnjačkim grebenima i penjemo se na prelijepu panoramu arhipelaga. Obilazak Koh Wua Talap ostrva. Izbor šetnje i obilaska mističnih krečnjačkih pećina ili penjanje na najljepši vidikovac Tajlandskog zaliva uz stjenovitu stazu ili odmor na plaži uz druženje sa majmunima. Povratak u luku, a potom u smještaj u kasnim popodnevним satima.

Cijena izleta obuhvata:

- povratni transfer smještaj – luka – smještaj
- vožnja brodom
- užina i piće dobrodošlice
- ručak bez konzumacije pića
- oprema za snorkling
- ulaznica u nacionalni park
- lokalni vodič na engleskom jeziku

*Za ovaj izlet je potrebno ponijeti: kupaći kostim, šešir/kapu, vodu, kremu za sunčanje, rezervnu garderobu, patike za penjanje na vidikovce.

Ostravo Koh Tao

Cijena: **75,00** EUR

Otok Koh Tao ili Otok kornjača pripada Chumphon arhipelagu i nalazi se u Tajlandskom zaljevu. Poznato je kao stanište rijetkih vrsta kornjača i kao područje omiljeno među ronionicima zbog bogatog podvodnog svijeta i divnih korala. Otok Nang Yuan su još jedan skriveni dragulj Tajlandskog zaljeva. Tri mala otoka su potpuno spojena pješčanim sprudovima koji čine trokut kada se promatraju s vidikovaca. Odlikuje ih čisto bijeli pjesak i prozirna voda mora, poznata po najboljem snorklingu u tom području. Polazak na izlet u jutarnjim satima. Dolazak u luku, mali predah za užinu, piće i kavu dobrodošlice i ukrcavanje na speed boat. Pristajemo u blizini otoka Tao i imamo slobodno vrijeme za snorkling. Nakon snorklinga dolazimo na otok Nang Yuan, imamo slobodno vrijeme za ručak, kupanje i penjanje na vidikovac iznad otoka. Povratak u luku, a potom i u smještaj u popodnevним satima.

Izlet uključuje:

- ručak
- lokalnog vodiča na engleskom jeziku
- organiziran prijevoz po predviđenom itineraru

Smeštaj

W22 Hotel by Burasari ***

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

W22 Hotel by Burasari 3* - nalazi se na 3,3 km od poznate ulice Khao San. Nudi zajednički salon i klimatizirane sobe s besplatnim WiFi-jem, a svaka ima vlastito kupatilo. U objektu je zabranjeno pušenje i udaljen je 2,1 km od hrama Wat Saket.

Sve smeštajne jedinice u hotelu opremljene su TV-om ravnog ekrana sa satelitskim programima i sefom. U W22 by Burasari - SHA Extra Plus Certified svaka soba opremljena je posteljino i peškirim. U sklopu smještaja možete igrati bilijar. Osoblje na recepciji koje govori engleski i tajlandski uvijek je spremno za pomoć.

Usluga je na bazi noćenja sa doručkom.

Sajt

<https://www.w22hotel.com/>

Adresa

422 Mittphan Road
Pomprab
Pomprabsatrupai Bangkok 10100 Thailand



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Maehaad Bay Resort 4*

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Maehaad Bay Resort 4* -Elegantne sobe za nepušače u odmaralištu Maehaad opremljene su modernim tajlandskim dekorom i drvenim podovima. Sve dobro opremljene sobe opremljene su TV-om ravnog ekrana, sefom i tušem.

Restoran na otvorenom Maehaad Bay s prekrasnim pogledom na more poslužuje jela tajlandske i međunarodne kuhinje. Ostala gastronomska ponuda uključuje osvježavajuće koktele u baru pored bazena. Gosti mogu prošetati uređenim vrtovima ili se opustiti na terasi za sunčanje.

Usluga je na bazi noćenja sa doručkom.

Sajt

<http://www.maehaadbayresort.com/>

Adresa

106/4 Moo 7
T.Koh Phangan
A.Koh Phangan
Suratthani
Thailand

Prevoz

Avion

Putnički avion (linijski *putnički avion* ili komercijalni transportni avion) veliki je avion prvenstveno namijenjen komercijalnom prevozu putnika i tereta.

Lokalni transfer

Kombi prevoz je prevozno sredstvo za manje grupe putnika, najčešće do 15 ljudi.

Mesta

Sarajevo

Sarajevo je glavni i najveći grad Bosne i Hercegovine. Nalazi se na rijeci Miljacki, desnom pritoku Bosne, u istočnom dijelu sarajevsko-zeničke kotline. Sarajevo je najveći grad u Bosni i Hercegovini i istaknuti kulturni centar u Jugoistočnoj Europi. Grad je poznat po svojoj tradicionalnoj kulturnoj i vjernoj raznolikosti, sa pripadnicima islama, pravoslavlja, judaizma i katolicizma. Zbog svoje duge i bogate povijesti i pripadnosti, vjerskih i kulturnih raznolikosti, Sarajevo se ponekad naziva "Jeruzalem Europe".

Doha

Doha je glavni grad države Katar. Nalazi se na obali Perzijskog zaljeva. U gradskoj blizini je Međunarodna zračna luka Doha i veliki pogoni naftne i riboprerađivačke industrije.

Bangkok

Bangkok je glavni i najveći grad Kraljevine Tajland i jedan od najvećih gradova Jugoistočne Azije. Nalazi se u Centralnoj regiji Tajlanda. Tajlandani Bangkok skraćeno zovu Krungtep, što u prevodu znači "Grad anđela", dok je svuda u svijetu poznato internacionalno ime Bangkok.

Ostrvo Phangan (Koh Phangan)

Ostrvo Phangan (Koh Phangan) je ostrvo koje se nalazi u Tajlandskom zalivu, u neposrednoj blizini veoma poznatog ostrva Koh Samui. Ostrvo je bogato preluhepim plažama i bujnom vegetacijom. Ovo ostrvo je najpoznatije po Full Moon Party-ju, žurci koja se organizuje svakog mjeseca u noći punog mjeseca, i po žurci Half Moon Party.

Korisne informacije

Tajland

TAJLAND

1. OPĆI PODACI O ZEMLJI

Tajland, službeno Kraljevina Tajland, je država u jugoistočnoj Aziji; na jugozapadu izlazi na Andamansko more (dio Indijskog oceana), a na jugoistoku na Tajlandski zaliv (dio Južnog kineskog mora). Graniči na zapadu sa Myanmarom (Burmom), na sjeveru i istoku sa Laosom, na istoku sa Kambodžom i na jugu sa Malezijom.

Površina zemlje: 513,120 km², 51. po veličini u svijetu;

Broj stanovnika: 67,97 miliona stanovnika

Glavni grad: Bangkok (9,27 miliona stanovnika)

Nacionalnost: Tajlandani (95.9%), manje etničke grupe: Burmanci 2%, ostali 1,3%;

Zvanični jezik: Thai; Engleski je drugi po važnosti i stepenu korištenja;

Vjeroispovijest: Budizam (93.6% Budista, 4.5% Muslimana, 1.2% Hrišćana)

2. VIZA



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007

MB:

Broj licence:

Tekući račun:

Telefon: 033 552-552

E-mail: kontakt@jungletribe.ba

Sajt: www.jungletribe.ba

Za državljane Bosne i Hercegovine neophodna je viza za posjetu i boravak u Kraljevini Tajland. Dokumentacija koja je potrebna za viziranje:

- pasoš (koji važi 6 mjeseci nakon planiranog ulaska na Tajland)
- jedna fotografija (format za pasoš ili ličnu kartu)
- fotokopija prve strane pasoša
- kopija rezervisane ili kupljene avio karte
- popunjen formular koji dobijate u našoj agenciji
- Viza se radi mjesec dana pred put, kada dobijate sve informacije od strane agencije.

3. VREMENSKA ZONA

Vremenska zona je UTC +7, znači 6 sati unaprijed u odnosu na Srbiju.

4. KLIMA

U Tajlandu preovladava tropska monsunska klima. Kišovita sezona traje od sredine Maja do Oktobra, dok je suha sezona u periodu od Novembra do Aprila. Temperatura je ljetnja (visoka) tokom cijele godine. Registrovane temperature kreću se između najniže 20°C i najviše 38°C. Zbog visoke vlažnosti vazduha niže temperature se teško podnose. Na sjeveru je vlažnost vazduha značajno manja, a klima blaža. Jugozapadni monsun koji stižu između maja i jula (izuzev na jugu) signalizaju dolazak kišne sezone (rued fon). Ona traje do oktobra i oblaci redukuju temperaturu. Vlažnost vazduha u to vrijeme je visoka. Novembar i december označavaju dolazak suhe sezone i noćne temperature u predjelima se velikom nadmorskom visinom mogu povremeno da padnu do nivoa blagog mraza. Temperature počinju da se penju u januaru, kada mogu dostići i 40°C.

5. HRANA I PIĆE

Hrana je vrlo raznovrsna, takoreći tipično azijska. Ima puno riže, ribe, nudi, piletine, voća i povrća. Thai kuhinja spada među najbolje kuhinje svijeta i proizvod je tradicionalnog istočnjačkog, ali i sve češće i zapadnog kulinarskog uticaja. Obilježja te egzotične kuhinje su čili papričice, bijeli luk, korijander, tajlandski bosiljak, limeta, metvica, limunova trava, galangal, tamarind i maštoviti kari - crveni, zeleni i žuti - mašaman kari, ali i kombinacija riže, kokosa, banane, ananasa, papaje, manga, kikirikija, mesa, lignji, škampa i morskih plodova. Specijalitet tajlandske kuhinje je Pad Thai – jelo od rižnih nudli, povrća, mesa i obogaćeno tajlandskim začinima. Osim toga, na Tajlandu možete probati razne supe, uprženu rižu sa dodacima i razne egzotične kombinacije slanog i slatkog, mesa i voća. Vodite računa ako ne jedete ljuto da to naglasite konobaru, jer je čili jako zastupljen u tajlandskoj hrani. Ulična hrana je, prema mišljenju mnogih, najukusnija, a imate i veliki broj restorana domaće i internacionalne kuhinje, tako da nećete ostati gladni. Hrana je jako povoljna.

Sviježe voće i cijeđene voćne sokove ćete naći na svakom koraku, i to po vrlo povoljnim cijenama. Za ljubitelje slatkiša, tu su Mango sticky rise (Mango sa slatkom rižom) i Roti – neka vrsta palačinke.

Bitno je napomenuti da vodu obavezno treba piti flaširanu!

6. ZDRAVLJE

Vakcinacija nije obavezna. Naši putnici individualno odlučuju da li žele da se vakcinišu ili ne. Najbolje je pozvati Institut za tropske bolesti i provjeriti. Poželjno je ponijeti lijekove za stomak (probiotike), ferveks ili neke lijekove za bolove i temperaturu, za svaki slučaj. Ukoliko ne ponesete, nije strašno, sve se može kupiti i u apotekama. Takođe, tamo ima komaraca, pa bi bilo dobro da ponesete i Autan, a možete i tamo uzeti sredstva protiv komaraca, iz iskustva, njihova sredstva su jača pa to možete kupiti u Bangkoku.

Zdravstvene institucije:

- Bumrungrad International Hospital u Bangkoku (tel. +662 667 1000 www.bumrungrad.com)

- Phuket International Hospital (+6676249-400 www.phuket-inter-hospital.co.th)

7. OSIGURANJE

Osiguranje nije obavezno, ali je preporučljivo. Možete ga uzeti u bilo kojoj osiguravajućoj kući ili kod nas u agenciji do 5 dana pred put - SARAJEVO osiguranje, za cijenu/osiguranu sumu/broj dana, pozovite agenciju.

8. SIGURNOST I BEZBIJEDNOST

Na Tajlandu je 01. aprila 2015. godine ukinuto vanredno stanje. Situacija na Tajlandu je generalno stabilna i mirna. Građanima, ukoliko su u posjeti Tajlandu, savjetuje se da budu oprezni. Preporučuje se brižljivo čuvanje ličnih dokumenata i novca zbog rizika od pljačke i džeparenja. Šetanje ulicom u kasnim večernjim satima preporučljivo je jedino ako niste sami. Droga je ilegalna pojava, i kao takva kažnjiva zakonom, i zatvorom.

9. ODJEĆA

Spakujte što manje stvari! Svuda možete da perete veš. Ta usluga je jako povoljna, otprilike 1,00 euro po kilogramu, veš vam brzo bude gotov i lijepo ga operu i slože. S obzirom na visoke temperature, nosite laganu garderobu. Treba vam duks ili neka lagana jakna i neke duge nogavice za sjever kada budete išli u Chang Mai, pošto naveče bude hladnije. Ponesite neke udobne patike za tracking. Kod obilaska kulturno – istorijskih znamenitosti, konkretno hramova, napominjemo da je obavezno pokrivanje nogu i ramena, tako da obratite pažnju i na to prilikom pakovanja.

Ako bilo šta zaboravite, od garderobe, kozmetike, obuće, bez brige, sve tamo imate da kupite.

10. LOKALNA VALUTA

Što se novca tiče, odnos dolara i eura na Tajlandu je vrlo sličan kao i kod nas, tako da ako imate eure, nema potrebe da ih mijenjate, oni ce vam biti ok za Tajland. Opet, ako imate dolare i to je sasvim u redu, jer ćete svakako svuda morati da mijenjate novac i plaćate u lokalnoj valuti. Lokalna valuta je tajlandsi bat i trenutni odnos eura i bata je oko 1,00 EURA = 37,00 THB , i dolara i bata je 1,00 USD = 35,00 THB.

Za sve fakultativne izlete potrebno je oko 150,00 eura. Dugovanje tj. dio aranžmana koji se plaća na putovanju plaćate u eurima.

11. KREDITNE KARTICE I BANKOMATI

Bankarski sistem je jako razvijen, tako da ćete brojne banke i bankomate naći na svakom koraku. Provizija korištenja bankomata se kreće oko 180 – 200 BHT (6,00 eura), ali za manju visinu provizije bi trebalo da provjerite sa matičnom bankom. Naša preporuka je da ponesete gotovinu.

Korištenje kreditnih kartica je moguće, ali to morate prethodno najaviti svojoj banci, kako ne biste imali problema sa blokiranjem kartice. Mjenjačnice takođe imate na svakom koraku, dostupne tokom cijelog dana.

12. KOMUNIKACIJA

Naše mobilne mreže funkcionišu na Tajlandu, a svakako možete i kupiti lokalnu SIM karticu. WiFi imate u svim smještajima i restoranima, tako da ćete na taj način održavati kontakt sa porodicom i prijateljima.

13. TOPLA PREPORUKA

U poslednjih 10 godina kraljevina Tajland postala je obećana zemlja za sve one koji veruju u alternativnu medicinu. Zato možete posjetiti neki od mnogih spa centara, pohađati kurs meditacije i utrenirati vaš um i tijelo da postanu opušteni. Tu je i čuvena tajlandska masaža (Thai), koja je postala popularna u cijelom svijetu. Salone masaže ćete naći na svakom koraku i to po jako povoljnim cijenama.

Važne napomene

Opšte napomene:

- Organizator putovanja je JUNGLE TRAVEL d.o.o Sarajevo sa licencom 07-02-22-9594/19.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik provjeri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu uslijed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.
- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPĆIM USLOVIMA PUTOVANJA JUNGLE TRAVEL-a.
- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.
- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplate u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/druge noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladjeni sa UTABIH standardom.

Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevni satima (14h ili 15h), a check-out je

posljednjeg dana boravka najčešće do 10h ili 11h.

- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.
- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtjevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
- Agencija ne garantuje dobijanje vize i nije ovlaštena da utvrđuje validnost dokumenata.
- U slučaju nedobijanja vize agencija ne snosi odgovornost.